

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA**

**Broj: T04 0 KT 0052921 23
Zenica, 29.05.2024. godine**

**OPĆINSKI SUD U VISOKOM
-Sudiji za prethodno saslušanje-**

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku FBiH (ZKP FBiH), podižem

O P T U Ž N I C U

Protiv osumnjičene:

T. Č., neosuđivana,

Zbog postojanja osnovane sumnje da je:

Dana 13.04.2023. godine oko 16.40 sati u podrumu porodične kuće u ulici ..., općina Breza, otvorila dva zaključana boksa u kojima su se nalazila dva psa pasmine doberman, muškog spola, crni sa paležom, imena Teodor, ., nosilac pasoša za kućnog ljubimca izdatog od strane veterinarske stanice „....“ d.o.o. Breza dana 15.01.2020. godine, zavedeno u Agenciji za označavanje životinja pri Uredu za veterinarstvo BiH, veći pas, i pasmine mix, muškog spola, crno-žuto-bijele boje, imena Lucky, . nosilac pasoša za kućnog ljubimca izdatog od strane veterinarske stanice „....“ d.o.o. Breza dana 21.04.2020. godine, zavedeno u Agenciji za označavanje životinja pri Uredu za veterinarstvo BiH, manji pas, nakon čega su navedeni psi izašli u dvorište porodične kuće, koja je bila ograđena ogradom i koja je locirana uz lokalni javni put u ulici ..., općina Breza, i koji psi su bili bez brnjice, druge odgovarajuće zaštite, poveza i izravnog čuvanja, bez svijesti o mogućnosti nastupanja zabranjenije posljedice, iako je prema opštim okolnostima i svojim ličnim svojstvima bila dužna i mogla biti svjesna mogućnosti da na taj način pušteni i izvedeni psi mogu predstavljati opasnot za tjelesni integritet ljudi posebno posljedice djelovanje psa Teodora u odnosu na otvaranje ograde porodične kuće i na taj način omogućavanja nastanka opisane posljedice i opasnosti za tjelesni interitet ljudi od strane oba navedena psa, da bi se u jednom momentu opisani veći pas imena Teodor naslonio prednjim šapama na ulaznu ogradu u dvorištu porodične kuće T. Č.i istu svojom inercijom snage otvorio, da bi oba opisana psa izašla na lokalni javni put koji prolazi pored kuće i krenuli prema dvojici dječaka Dž. P., sinu N., rođenog godine i T. Š., sinu N., rođenog godine, koji su bježali od istih, da bi u jednom momenu ranije opisani manji pas imena Lucky sustigao dječaka Dž. P. i istoga ugrizao u području lijeve potkoljenice, nanijevši mu na taj način ugriznu ranu na lijevoj potkoljenici koja po svom sveukupnom dejstvu na život i zdravlje organizma ljudi predstavlja laku tjelesnu povredu

Dakle, izvela psa na javno mjesto bez odgovarajuće zaštite i bez izravnog čuvanja i time izazvala opasnost za tijelo ljudi, usljed čega je jedna osoba zadobila lake tjelesne povrede

Čime bi radnjama opisanim u činjeničnom opisu počinila krivično djelo nesavjesno čuvanje pasa i drugih životinja iz člana 327. stav 2. u vezi sa stavom 1. Krivičnog zakona FBiH, u vezi sa članom 38. stav 3. istog zakona

**ZAHTJEV
za izdavanje kaznenog naloga**

Na temelju članova 45. stav 2. tačka h) i 350. stav 1. ZKP FBiH, u vezi sa članovima 352. stav 1. i 353. stav 2. ZKP FBiH, predlažem da se Sud složi sa zahtjevom za izdavanje kaznenog naloga prema osumnjičenoj, te da nakon provedenog postupka donese presudu kojom će prema osumnjičenoj izdati kazneni nalog u skladu sa optužnicom te istoj izreči **krivičnopravnu sankciju u vidu novčane kazne po odluci Suda**

- a) U smislu člana 212. stav 3. Zakona o krivičnom postupku FBiH i u ovisnosti od ishoda krivičnog postupka, predlažem da sud oštećenog maloljetnog Dž.P., putem roditelja, uputi na parnični postupak u cilju ostvarenja imovinskopravnog zahtjeva u odnosu na osumnjičenu T. Č., a radi ostvarenja naknade materijalne i nematerijalne štete prouzrokovane radnjama izvršenja krivičnog djela za koje se osumnjičena T.Č.optužnicom tereti

- b) U smislu članova 199. stav 2. tačka a) i g) i 202. stav 1. Zakona o krivičnom postupku, o ovisnosti ishoda krivičnog postupka, predlažem da sud obaveže osumnjičenu T. Č. na naknadu troškova krivičnog postupka koji se ogledaju u troškovima vještačenja tjelesnih povreda oštećenog maloljetnog Dž. P. u iznosu od 188,94 KM (vještačenja vještaka dr. ... i) i sudskog paušala po odluci suda, a sve pod prijetnjom izvršenje u slučaju neispunjenja obaveze naknade troškova krivičnog postupka osumnjičene T. Č. u roku u kojem odredi sud.